



Bon veni a la jornal #4 de Orizones Nova

Bon veni a **Orizones Nova**, la prima jornal sciveda tota en Lingua Franca Nova. Per aceles ce no sabe ce es Lingua Franca Nova, un introdui corta:

Lingua Franca Nova es desiniada per es un lingua vera simple, coerente, e fasil aprendeda, per comunica internasional. El ave varios cualia bon:

- El ave un numero limitada de fonemes. El sona simila a italian o espaniol.
- El es sciveda como el sona. No enfante deve pasa multe anios studia nonregulas!
- El ave un gramatica vera simple e regula. El es min complicada en esta caso como engles o indonesian.
- El ave un grupo limitada e tota regula de afises produinte per crea parolas nova.
- El ave reglas de la ordina de parolas bon definada, como multe linguas major.
- El ave un lista de parolas fundada en la linguas roman moderne. Esta linguas es comun e influensente, e ia contribui la parte major de parolas engles.
- El es desiniada per es asetante natural de parolas tecnic de latina e elenica, la "norma de mundo" per fato.
- El es desiniada per aperi plu parte "natural" per los ci comprende la linguas roman, ma no min fasil per otras.

Per plu informas, per favor vade a <http://lingua-franca-nova.net>, la paje xef de la lingua.

---

## Parolas de la editor

Alo. Esta mensa va es plu corta e simple, per ce me ave multe cosas ce me debe fa en Corea. Ma plu bon ce no fa un jornal es fa un jornal poca ma a tempo, donce me ia scrive supra alga cosas interesante. Me ia pensa multe supra LFN esta mensa, e supra la conseta de linguas aidante en jeneral. Esta cosas es sola me pensas personal, e me no proposa alga cambias. Con un lingua como LFN, la forma vade con la usa de la usores \_ per esemplo, en la vici alga dias ante, un person ia scrive supra la sistem usada per paises, paises como Corea (Hanguk) o Japan (Nihon), e per ce LFN usa Corea plu multe ce Hanguk (o Anguk, ma 'Anguk' es la nom de un stasion de metro en Seoul), per esemplo. Ma si subita multe usores de LFN en Corea apari e demanda ce nos usa Hanguk en loca de Corea, ci va resista? La abitantes de un pais ave

la direto usa la nom ce los gusta en un lingua internasional. Donce nos pote usa Corea Sude, Hanguk, 'Anguk' etc. e si un cambia va es nesesada, un cambia pote ocure. Es multe simple.

Ahem. Me no ia ave tempo per scrive supra la spasio esta mensa, ma sabe bon ce:

- Orizontes Nova (New Horizons, si, la sonda con la mesma nom ce esta jornal) es aora a Jove. Aora...esta momente. El ia fa imagjes de Io e otra lunetas ance. Me es multe felis.
- Rosetta ance ia pasa Marte e ia fa multe imagjes.
- Un nova telescopio ia comensa a la polo sude.

Me ta fa lias a la pajes de rede per estas, ma vos tota sabe como usa Google.

Bon leje!

Dave MacLeod

1 marto, 2007 (per ce febrero ave sola 28 dias)

---

## Pensas super Lingua Franca Nova

Me ia comensa me studia de LFN en desembre 2005, ma no ia es un 'aderinte' de la lingua asta 2006. Me gusta vicipedia, vicis e la conseta ce tota persones pote contribui a la crese e developa de un lingua. Me ia pensa multe super LFN e como el debe labora como un util per resolve problemes lingual, e aora me vole scrive me pensas supra el.

La usa de vocabulo en cuasi tota linguas es la mesma. Cuasi tota persones usa un vocabulo simple per la vive dial. Frases como "Ce tu fa oji?" "Ave tu projetas per la fini de semana?" "Per ce tu no ama me?" es multe fasil, e debe es fasil. En otra linguas, mesma cosas fasil pote es nonfasil per un studente de la lingua. Me no memora la numero, ma persones usa la mesma parolas cuasi a tota tempo. Per esemplo, cuando me parla en engles, me dise "Where can I buy a cheap book?" e no dise "Whither could I chance upon a tome for a man of frugal means?" En esta modo, la usores de un lingua redui la usa de vocabulo en un lingua en un modo natural.

Ma cuando un parla supra cosas nonfasil, tu ave no otra colie ma usa parolas nonfasil, ce concorda con la sujeto. Cuando me parla super astronomia, me debe usa parolas como "hydrostatic equilibrium" (balansa idrostatic) - me no pote dise "la cualia de un ojeto ce ave un gravity sufisinte per manteni un forma ronda" a cada ves. Donce, per crea un comunia de persones ce vole usa LFN no sola como un pasatempo ma ance como un cosa seria, nos nesesa multe parolas. Vera, me no pensa ce un difere entre "parolas normal" e "parolas" technical debe esiste - la area entre la du no es tan clar. Alga "parolas technical" es sabeda par persones normal, e otras es sabeda sola par persones ce es espertos en se campo de labora. Me mesma ia sabe la parola "balansa idrostatic" en 2006, ma la parola per "solstice" (solstisio, si me memora bon) es vera un parola comun.

Donce, ce me vole dise es esta: nos no nesesa nos preocupa supra parolas nonfasil. *Mesma en nos*

*linguas propre existe parolas ce nos no comprende.* Ma cuando nos vole sabe esta parolas nos pote aprende la parolas multe rapida, per ce nos linguas propre es fasil per nos. LFN debe es la mesma - LFN es un lingua con un gramatica e parolas multe fasil aprender, e si nos vole parla supra un cosa nonfasil, nos debe aprende la parolas nehesada, en ambos nos linguas propre e en LFN ance. Me no pote parla supra cosas ce me no comprende, e si me comprende los, me pote (e vole) discute supra los.

Ma me acorda con la pensa ce parolas ce no debe existe (plu ce nehesa) no debe es creada (ofisial - me sabe ce en la futur usores de LFN va crea parolas como los vole como la parola "krokodilu" en Esperanto). Parolas ce existe sola per oscuri la comprende de otras \*en la vive dial\* no es nehesa. Donce, sola un parola per can es bon, no du parolas como "dog" e "hound" en engles. Can es un parola dial, un cosa ce tota pote comprende sin studia spesial.

---

## LFN como un ponte a otra linguas

En la comunia de linguas construida, un cosa ce me vole vide plu es instrui de otra linguas en un lingua construida. Per ce linguas construida es fasil, pos me studia me aora pote usa el como un util per aprende otra cosas. Me vera vole vide testos per aprende otra linguas roman, scriveda en LFN. Como un lingua simile a otra linguas roman, LFN pote se vende como un ponte o presenta a otra linguas. Per esemplo, la Universia de Calgary ave (o ia ave, me no sabe la universia en 2007) un via cuando studentes nova debe entra "Studios Jeneral" per un anio, e pos la anio un los pote eleje se major. En la mesma modo, LFN pote es la lingua aprendeda e usada per la anio un per studentes de linguas roman - per ses mensas studentes va aprende e usa LFN con libros, conversa, etc., e per ses mensas pos los pote aprende como otra linguas roman es usada e formada, e cuando la anio un es finida, los pote no sola colie la lingua ce los gusta, me ance comprende la lingua alga cuanto con la aida de LFN.

Un esemplo de un testo scriveda en LFN:

- Veo la tele mucho. - Me vide la TV multe. (plu simile ce "I watch TV a lot")
  - Practico natación. - Me practica nada (plu simile ce "I practice swimming")
  - Por qué cantáis? - Per ce vos canta? (plu simile ce "Why do you lot sing?")
  - Cuándo lee? - Cuando el leje? (plu simile ce "When does he or she read?")
- 

## Un bon metodo per aprende un lingua

(Un lingua simile a la lingua de la estudiante)

Me ia vide en la paje en [www.afrikaans.us](http://www.afrikaans.us) un narada per aprende la lingua Afrikans. La narada apare cuatro veses - la prima es 100% engles, la du es 20% Afrikans, la tre es 60% Afrikans, e la cuatro es 100% Afrikans. Me va proba la mesma metodo (ma con cuatro varias) per un parte de Dracula par Bram Stoker.

Hitherto I had noticed the backs of his hands as they lay on his knees in the firelight, and they had seemed rather white and fine. But seeing them now close to me, I could not but notice that they were rather coarse, broad, with squat fingers. Strange to say, there were hairs in the centre of the palm. The nails were long and fine, and cut to a sharp point. As the Count leaned over me and his hands touched me, I could not repress a shudder. It may have been that his breath was rank, but a horrible feeling of nausea came over me, which, do what I would, I could not conceal.

The Count, evidently noticing it, drew back. And with a grim sort of smile, which showed more than he had yet done with his protruberant teeth, sat himself down again on his own side of the fireplace. We were both silent for a while, and as I looked towards the window I saw the first dim streak of the coming dawn. There seemed a strange stillness over everything. But as I listened, I heard as if from down below in the valley the howling of many wolves. The Count's eyes gleamed, and he said.

"Listen to them, the children of the night. What music they make!" Seeing, I suppose, some expression in my face strange to him, he added, "Ah, sir, you dwellers in the city cannot enter into the feelings of the hunter." Then he rose and said.

"But you must be tired. Your bedroom is all ready, and tomorrow you shall sleep as late as you will. I have to be away till the afternoon, so sleep well and dream well!" With a courteous bow, he opened for me himself the door to the octagonal room, and I entered my bedroom.

I am all in a sea of wonders. I doubt. I fear. I think strange things, which I dare not confess to my own soul. God keep me, if only for the sake of those dear to me!

---

Hitherto me had noticed the backs of his hands as they lay on his knees en la firelight, e they had seemed rather white and fine. But seeing them now close to me, me could not but notice that they were rather coarse, broad, with squat fingers. Strange to say, there were hairs en la centre of the palm. La nails were long and fine, and cut to a sharp point. As the Count leaned over me and his hands touched me, I could not repress a shudder. It may have been that his breath was rank, ma un horrible feeling de nausea came over me, which, do what I would, me could not conceal.

La Conte, evidently noticing it, drew back. And with a grim sort of smile, which showed more than he had yet done with his protruberant teeth, sat himself down again on his own side of the fireplace. Nos were both silent for a while, and as me looked towards the window me saw the first dim streak of the coming dawn. There seemed a strange stillness over everything. Ma as I listened, I heard as if from down below in the valley la howling of many wolves. The Count's eyes gleamed, e he said.

"Listen to them, la children of the night. What music they make!" Seeing, I suppose, some expression in my face strange to him, he added, "Ah, sir, you dwellers en la city cannot enter into the feelings of the hunter." Then he rose e said:

"Ma you must be tired. Your bedroom is all ready, and tomorrow you shall sleep as late as you will. Me have to be away till the afternoon, donce sleep well e dream well!" With a courteous bow, he opened for me himself the door to the octagonal room, and I entered my bedroom.

Me am all in a sea of wonders. Me duta. Me teme. Me think strange things, which me dare not confess to my own soul. God keep me, if only for the sake of those dear to me!

---

Hitherto me had noticed la retro de se manos as they lay on his knees en la firelight, e los ia pare rather white and fine. Ma vidente los aora close to me, me no ia pote no nota ce they were rather coarse, broad, with squat fingers. Strana, there were hairs en la centre of the palm. La ungias ia es long and fine, e cortida a un sharp point. Cuando la Conte leaned over me e se manos touched me, me no ia pote represa a shudder. It may have been that his breath was rank, ma un horrible feeling de nausea came over me, which, do what I would, me could not conceal.

La Conte, evidently noticing it, ia move a retro. E con un grim sort of smile, ce showed more than he had yet done with his protruberant teeth, ia se senta ancora on his own side of the fireplace. Nos ambos ia es silent for a while, e cuando me looked towards the window me ia vide la first dim streak of the coming dawn. El ia pare un strange stillness over everything. Ma cuando me listened, me ia oi as if from down below en la vale la howling de many lupos. La oios de la Conte gleamed, e he said.

"Listen to them, la enfantes de la note. What music they make!" Vidente, I suppose, some expression en me fas strange to him, he added, "Ah, sir, you dwellers en la site no pote enter into the feelings of the hunter." Then he rose e said:

"Ma tu debe es tired. Tu bedroom is all ready, e doman you shall sleep as late as you will. Me have to be away till the afternoon, donce dormi bon e sonia bon!" Con un courteous bow, he opened for me himself the door to the octagonal room, e me entered my bedroom.

Me es all in a sea of wonders. Me duta. Me teme. Me pensa strange things, ce me dare not confess to my own soul. God vijila me, si only for the sake of those dear to me!

---

Hitherto me had noticed la retro de se manos as they lay supra se jenos en la firelight, e los ia pare alga cuanto white e fine. Ma vidente los aora close a me, me no ia pote no nota ce los ia es rather coarse, broad, con squat fingers. Strana, ia es hairs en la centre de la palma. La ungias ia es long and fine, e cortida a un sharp point. Cuando la Conte leaned over me e se manos ia toca, me no ia pote represa un shudder. Posable ia es ce se breath was rank, ma un senti horrible de nausea ia veni a me, ce, do what I would, me no ia pote conceal.

La Conte, evidently noticing it, ia move a retro. E con un grim sort of smile, ce ia mostra plu ce el ia mostra asta aora con se protruberant teeth, ia se senta ancora on his own lado de la ximine. Nos ambos ia es silenta for a while, e cuando me ia vide towards la fenetra me ia vide la first dim

streak de la leva de sol veninte. El ia pare un strange stillness supra cada cosa. Ma cuando me ia escuta, me ia oi como de down below en la vale la howling de multe lupos. La oios de la Conte gleamed, e el ia dise:

"Escuta los, la enfantes de la note. Ce musica los fa!" Vidente, I suppose, some expression en me fas strana a el, he added, "Ah, senior, tu dwellers en la site no pote entra en la feelings de la xasor." Allora el rose e ia dise:

"Ma tu debe es tired. Tu sala de dormi es all ready, e doman tu va dormi as late como tu vole. Me debe es away asta la afternoon, donec dormi bon e sonia bon!" Con un salute inclinada, el opened per me himself la porta a la octagonal room, e me entered me sala de dormi.

Me es tota en un mar de wonders. Me duta. Me teme. Me pensa cosas strana, ce me no osa confess a me spirito propre. Dio vijila me, si sola per la sake de aceles cara a me!

---

Asta ora me ia nota la retro de se manos cuando los ia es ponedada supra se jenos en la lumina de la foco, e los ia pare alga quanto blanca e fine. Ma vidente los ora prosima a me, me no ia pote no nota ce los ia es un poca ru, e larga, con ditos corta e densa. Strana, ia es peles en la media de la palma. La unghias ia es longa e e fine, e cortida a un punta agu. Cuando la Conte ia sta supra me e se manos ia toca, me no ia pote represa un tremor. Posable ia es ce se respira ia apesta, ma un senti asustante de nausea ia veni a me, ce, contra tota me fortias, me no ia pote asconde.

La Conte, ci ia pare ce el ia nota la cosa, ia move a retro. E con un surie alga quanto seria, ce ia mostra plu ce el ia mostra asta ora con se dentes emerjinte, ia se senta ancora a se propre lado de la ximine. Nos ambos ia es silenta alga quanto de tempo, e cuando me ia vide a la fenestra me ia vide la prima filo oscur de la leva de sol veninte. El ia pare un calma strana supra cada cosa. Ma cuando me ia escuta, me ia oi como de su en la vale la roncadas de multe lupos. La oios de la Conte ia brilia, e el ia dise:

"Escuta los, la enfantes de la note. Ce musica los fa!" Vidente, me pensa, alge espresa en me fas strana a el, el ia junta, "Ah, senior, tu abitores en la site no pote entra en la sentis de la xasor." Allora el ia se leva e ia dise:

"Ma tu debe es fatigada. Tu sala de dormi es tota preparada, e doman tu va dormi tan tarda como tu vole. Me debe es for distante asta la posmedia, donec dormi bon e sonia bon!" Con un salute inclinada, el ia abri per me la porta a la sala otagon, e me ia entra me sala de dormi.


Me es tota en un mar de fantasias. Me duta. Me teme. Me pensa cosas strana, ce me no osa confesa a me spirito propre. Dio vijila me, si sola per la securia de aceles cara a me!

Ci es esta person? Si tu sabe, scrive en nos Yahoo Group.

---

## Lingua Franca Nova en Aurebesh

Aurebesh es la letras usada en la universa de *Star Wars*.



Me ia usa un imaje per ce me no vole ce un person sola cambia la moda de letera per vide la letras sin labora. Heh heh.

## Article de la Vici Esta Mensa

Esta mensa ance la articles scriveda en la vici ia es multe, ma poca. Ma me scrive la statisticas de la vici su per mostra nos progressa (la statisticas de la ultima mensa es en brasetas):

- 3,100 (3,055) pajes, incluente pajes de discute, pajes supra LFN, redirijes, etc. etc.
- 703 (668) pajes vera, pajes ce ave conteni e es interesante.
- 533,048 (488,334) vistas de la vici.
- 8,606 (8,240) editas. En vikipedia otra linguas ave un robot ce veni per junta lias a vicipedias en otra linguas, donce los ave un numero grande de editas mesma si los no ave conteni interesante. Donce la numero 8,240 no pote es comparada a vicipedias en otra linguas aidante. E:
- 61 (55) usores.

## Posta

Ce es mal en la SUA?

Tarde, la SUA aperi multe strana. Jeneral, la SUA es un pais ce persones de otra nasiones amira. El ia fa multe eras en se istoria, si. Ma jeneral el es un pais amirable. Ma no oji. Aora, multe persones de multe nasiones no confide en la SUA, spesial en la governa de la SUA. Ce ocure? Posable me pote esplica, sin deveni tro contraversial.

En la SUA, la idea de comersa libre es vivente. Vera, multe partes de la economia de la SUA es

sosialiste, ma la cor de la economia es capitaliste. Per esta razon, la distantia entre la plu rica e la plu povre es grande. Ricia dona potia. Alga de la persones plu rica en la SUA ave bon intendes. Bill Gates, per exemplo, dona multe moneta a la popla de Africa. Ma multe otras de la plu rica no ave tal bon intendes, e vole sola manteni e crese se ricia e potia. Alga de los es la xefes de la companias ce controla petrolio e la fabrica de armas.

Esta xefes ia usa se ricia per manipula la politica, ance per se mesma benefica. Resente, los ia aida en pone un grupo de politicistes en controla de la governa de la SUA. Esta politicistes inclui George W. Bush, Dick Cheney, Donald Rumsfeld, e otras.

La idea grande de esta xefes, se amis, e se politicistes es ganiar controla de partes de Asia sude-ueste ce conteni cuantias grande de petrolio e gas natural. La valua de este recursos es nonestimable.

En la mundo de Islam, multe persones no gusta la SUA. Un problema per multe islamistes es ce la SUA ia suporta Israel per multe anios. La SUA ia furni moneta e aparata militar a Israel, e los ci no crede ce Israel ta esiste oposa esta. Ma me no vole dispute esta problem. Basta ce multe persones no acorda con la suporta de Israel. Ance, es grupos extrema, como Al Qaeda, ci oposa jeneral la influense de la potia e cultur de la SUA en la mundo islamiste.

Per decades, la SUA suporta ance la Xa de Iran. Cuando la iranianes ia rebela e crea un nasion islamiste, la SUA no ia ave un ami en Asia sud-ueste. Donce, la SUA ia cultiva un amia en Iraq - Saddam Hussein. Hussein deveni tro nondependente e ultima invade Cuait. La plu de naciones no ia gusta esta aveni, e un armada internasional, dirijeda par la SUA, ia forsa la armadas de Iraq a retro, e puni Iraq par limita comersa con Iraq. Ma donce, la naciones de la ueste, spesial la SUA, no ia ave asesa a la grande campos de petrolio de Iraq.

A la este, Rusia ia atenta controla Afganistan per multe anios, sin susede. En esta periodo, la SUA ia suporta grupos en Afganistan ci combata la rusces. Un de la grupos ia es la Taliban. Un de la persones la SUA ia instruida en combata ala ia es un arabian rica clamada Osama bin Laden. Cuando la rusces ia retira de Afganistan, la SUA e alga companias de petrolio ia vole crea un duto de gas de la campos grande de gas natural en Asia sentral, per distribui la gas natural de portos en Pacistan. Ma la Taliban no ia permite los.

11 setembre 2001, un grupo de membros de Al Qaeda ia diverti cuatro aviones e ia destrui la Twin Towers ("tores jemelos") en New York Site. Esta ia es un resulta plu grande ce los ia espeta! Sirca 3000 persones ia mori a esta dia. La tota mundo ia es ofende profunda.

La governa de la SUA ia responde con un ataca a la bases de Al Qaeda en Afganistan, e gania controla partal de la pais. La mundo ia comprende esta ataca. La avenis ce segue no es comprendeda tan fasil.

George W. Bush e se amis en la governa de la SUA ia deside ce esta momente ia es perfeta per ataca ance Iraq. Los ia usa informa vea e posable tota falsa per sujeste ce Iraq ia aida Al Qaeda en



la atacas, e ce Iraq ia es construite "armas de destrui en masa."

La comensa de la gera ia es fasil. Bagdad ia es prende rapida. Multe persones ia pensa ce la gera ia es un susede total. Ma pronto, du problemas ia ariva: Un, no "armas de destrui en masa" ia es trovada. Es deveni clar ce la governa de la SUA ia era - o menti! Du, la gera no es finida - el es sola comensa!

La popla de la SUA no vole crede ce se presidente ta menti, o ce la militar no pote teni un nasion poca, e la gera continua. En la curso de esta gera, circa 3000 soldados de SUA e otra nasiones ia mori, plu ce 10 000 es ferida, e entre 100 000 e 600 000 persones iraqi es mori. Sola en la anio pasada, multe personas en la SUA ia comensa crede la cosa ce multe otra persones en la mundo ia crede ja: Esta gera ia es un era grande e triste.

George Boeree

Si tu vole ce tu posta apare en esta jornal, scrive per favor a:

[mithradates@gmail.com](mailto:mithradates@gmail.com)

---

## Diretos de Copia

Horizontes Nova usa la lisensa Creative Commons.

Onora-NonComercial-Comparti Simile 2.5

Tu pote libre:

- copia, distribui, mostra, e presenta la labora
- fa laboras deduida

Su la articles seguente:

- **Onora.** Tu debe done la onora a la autor orijinal.
- **Non-Comercial.** Tu no pote usa esta labora per intendes comercial.
- **Comparti Simile.** Si tu cambia, muta, o construi alga cosa usante esta labora, tu pote distribui esa labora sola usanta un lisensa la mesma ce esta lisensa.

Esta es un varia de la tota lisensa (ingles), scriveda simple per ce persones comprende sin problem.

Nota: Articles de la LFN uici usa la [GNU Free Documentation License 1.2](#).